



Inatsisartunut ilaasortaq Siverth K. Heilmann, Atassut

§ 37, imm.1 naapertorlugu apeqquteqaammut nr. 152-imut taatera at piniagaasarnerisa allangortinnissaanik siunnersuummut akissut

26. august 2013 Naalakkersuisut, § 37, imm. 1 naapertorlugu taatera at piniagaasarnerisa piffissaliussaq pillugu ilinnit apeqquteqaammik tigusaqarput. Apeqquteqaat oqartussaaffinni akisassangortinneqarsimavoq.

Apeqqut: Naalakkersuisut pilersaaruteqarpat Sisimiut - Nanortallillu akornanni taatera at piniagaasarnerisa 15. august-miit - 29. februar-imut atuuttup allangortinneqarnissaanik sulissuteqarnissaminnik.

Tabel 1-imi (ilanngussaq 1) taatera at piniagaanerannut piffissaliussap 1989-imiit timmissat pillugit nalunaarutip atuuttup nr. 8, 2. marts 2009-imeersoq tikillugu allangorarsimanagera takuneqarsinnaavoq. Piniarfissatut piffissaliussaq ullumikkut atuuttoq, timmissat pillugit suleqatigiissitat 2008-imi augustimi, piffissaliussap 1. septembarimiit 28./29. februaari ilanngullugu inissinneqarnissaanut innersuutaat naapertorlugu aalajangerneqarsimavoq. Taamaanikkut Aalisarnermut, Piniarnermut Nunalerinermullu Naalakkersuisup piniarnerup 15. augustimiilli aallartinnissaa qinersimavaa.

Pinngortitaleriffiup 3. september 2013 siunnersuinermini innersuussutigaa, Sisimiuniit kujammut Nanortalik tikillugu piniarnermut piffissaliussaq qaammammik ataatsimik, martsil ilanngullugu, sivittorneqarpat illersorneqarsinnaasoq, innersuussutigaluguli piniarnerup aallartinnera 1. septembarimut kinguartinneqassasoq. Innersuussuummut pequtaavoq augustimi piniarneq iluatsittumik erniortoqarsinnaaneranut erniornerullu nalaani eqqissimatitsinissamat naapertuutinninnera, augustimi taatera at sulil erniorfimmiittarmata.

Susasaqartunik peqataaffigineqartumik 2013-2014-imi ukiup nikinnerani, timmissat pillugit suleqatigiissitamik pilersitsinissaq APNN-imit pilersaarutigineqarpoq, timmissat pillugit nalunaarutip nutarternissaanut siunnersuutip suliarineqarnissaa siunertaralugu, tamatumani martsil ilanngullugu taateraarniarsinnaaneq pillugu apeqqut ilanngullugu qaqqinneqarumaarluni.

Suleqatigiissitaliap ilanngullugu misissussavaa taatera at, appat mitillu assigalugit ullormut angalanermi pisassiiviusartunut ilanngunneqarsinnaanersut.

Soorlu allaaserisanni eqqaagit, taatera anik piniarnermut atatillugu inatsisunik unioqqutitsinerup unitsinneqarnissaa pingaaruteqarlunnarpoq. Tamatumani

06-09-2013
Sags nr. 2013-088099
Dok. nr. 1322258

Postboks 269
3900 Nuuk
Tlf. (+299) 34 50 00
Fax (+299) 34 63 55
E-mail: apnn@nanoq.gl
www.nanoq.gl

paasisitsiniaanikkut inatsisillu pissutsinut atuuttunut pitsaanerpaamik nalimmassarneqarnissaanut piniartut oqaloqatigineqarnerisigut tamanna anguniarneqarpat pitsaanerpaasoq isumaqarpunga. Naggataagut taateraaniq ullormut pisassiisalernissamik siunnersuummut qujavunga, timmissallu pillugit nalunaarutip allanngortinnissaata eqqartorneqarnerani tamatuma qaqqinneqarnissaa isumagissavara.

Inussiarnersumik inuulluaqqusillunga

Med venlig hilsen

Karl Lyberth

Ilanngussaq 1.

Tabel 1. Taateraarniarnermi piniarfissatut piffissaliussap 1989-imiit 2009 tikillugu allanngorarsimanera.

Timmissat pillugit nalunaarummi piniarfissatut piffissaliunneqartoq	<i>nr. 29 19/9 1989</i>	<i>nr. 36 6/12 2001</i>	<i>nr. 1 21/1 2004</i>	<i>nr. 5 29/2 2008</i>	<i>nr.8 2/3 2009</i>
Taateraaq <i>Rissa tridactyla</i>	16. aug – 31. maj	1. sep - 15. feb	1. sep - 28/29. feb	1. sep - 31. marts 1. januar 2009-imiit atuuttoq, taamaattorli 1. sep - 28/29. feb	15. aug- 28/29. feb